


Trabajos de
Fotografía -

765:




1999



ՅԵԿՈՐ ՅԵԿՈՐԵԱՆ

Տար 194

ԲԱՆԱՍՏԵՂԾՈՒԹԻՒՆՆԵՐ



ՅԵԿՈՐ ՅԵԿՈՐԵԱՆ


"Հայոց" պրոց լուսադրություն

ՅԵԿԱՅ ՅԱՎՈՐԵԱՆ

1899 թ. 17 Տ.

ԲԱՆԱԱՏԵՂԹՈՒԹԻՒՆՆԵՐ

1048.



ԹԻՖԼԻՍ
Տիտ. Գրա. Իզ. Թ-վա. || Տպագր. Վ. Հ. Հ. Հ. Հ.
1899

Дозволено цензурою. Тифлисъ, 18 Августа 1899 г.

ԲԱՆԱՍՏԵՂՆՈՒԹԻՒՆՆԵՐ

28. 977

4925-60

ԻՐ ՎԱՂԱՄԵՌԻ ԸՆԿԵՐՈՇ՝

Արտատարւած «Մուլճ» ամսագրից
(Յաւելւածներու)

Ուսանող ԹԱԿՈԲ ՄԱՆԱՍԵԱՆԻ ՀԻշատակին

Ն ւ ի բ ո ւ մ է

ՀԵՂԻՆԱԿԲ

ԱՌԱՋԱԲԱՆԻ ՏԵՂ

(ԱՆԴՐՈՒԹՅ, ԸՆԿԵՐՈՂ)



Մեր հայրենի հովիտներից այս փնջիկը
կազմեցի,
Թարմ շիրիմիդ, տանջւած ընկեր, ահա նուէր
բերեցի.
Հողակոյտիդ թող զարդ լինի լիմ փնջիկը
բուրալից,—
Նա հիւսւած է սրտիդ մօտիկ ծաղիկներից՝
երգերից...
Բայց ուզ գիտէ, գուցէ գայ օր, որ փնջիկս
թառամի,
Յիշատակդ սրտիս խորքում... ՞՛, նա երբէք
չի մնոնի...

1899 Խ. ԹԻՓԼԻՄ.

Ա Դ Օ Թ Ք

Է

Այն մի գմայլիչ առաւօտ էր,
Երբ թռչուններ բռւնից իջնում,
Արշալոյսին ողջունելով՝
Աղօթք էին երկինք ուղղում։

Եւ տերեւը հեզ ուսենու
Թեթև դողով մրմնջում էր.
Իբրև լրթունք միանձնուհու,
Կարծես, նա էլ աղօթում էր։

Դեռ փայլում էր Արուսեակը—
Արշալուսեան այդ վեհ արքան,
Երբ աստղերն էլ վերջին աղօթք
Մրմնջացին ու չքացան...

Տէր, գոչեցի վշտից յուզւած,
Իմ աղօթքն էլ թնդ հասնի Քեզ,
Եւ մաղթանքս՝ սրտից այրւած
Ընդունիր իբր՝ մի ողջակէզ։

Եւ լրթունքս ահ ու դողով
Մէկի անունն էր Հնջում...
Ա՛խ, նա, ընկերս..., հառաչելով,
Տառապում էր վերջին Հնջում... *)։

Օդոսա. 20. 1890 թ.
Սլաւեանկա.

*) Ուսանող Յ. Մանասեան վախճանեց
մայիսի 23-ին, 1895 թ. Թոքախտեց։

ՔՐԴԻ ՇՈՒՆԸ

(Մանկական յիշողութեւններից)

Դաժման ձմեռւայ օրերին դարձեալ
Գեղ եմ ես յիշում, ի՞մ մանուկ անցեալ,
Երբ տասս նստած քուրսու մօտ գւարժ՝
Գուլբա էր գործում, պատմում ինձ հեքեաթ.
Եւ ձիւնը փայլուն, հալածւած ըուքից,
Քուլաներով էր թափւում երկնքից.
Մեր բակի չունն էլ, իր բունը քաշւած,
Զեան փաթիները դիտում էր ապշած:
Ես ննջում էի քուրսու մօտ ձգւած,
Փափուկ վերմակը մինչ կուրծքս քաշած,
Եւ ինչ երազներ, ցնորքներ անմեղ
Զէին գրգըռում իմ մանուկ ուղեղ...
Յանկարծ սթափւում, աչքերս բացում,
Տեսնում եմ տատիս—միերն է շարժում:

Շիկնած թշերով պարկում եմ նորից,
Էլ չեմ վախենում վատ երազներից—
Պառաւը ինձ մօտ, անվերջ, անընդհատ
Շարունակում է կարծես իր հէքեաթ...

* *

Բայց ահա յանկարծ մի չարագոյժ ձայն
Լսուում է դրսից—բուի է նման,
Մերթ մեղմ, բարակ, մերթ խիստ փրփրում,
Կարծես այդ ժամին սիրաս քրքրում...
(Այդ մեր կատուն էր, նոր եմ հասկանում,
Իր հարևանի հետըն էր կուտում
Եւ ցանկապատից նախանձ-թշնամուն՝
Ճանկերով դինւած, գլորել ջանում):
— Տատիկ, ճշում եմ, այն ո՞վ է ոռնում,
Կարծես նա գաղտուկ ինձ է մօտենում...
— «Քնիր, բալա ջան, թագնւիր շուտով,
Քուրդի Շունըն է իրա լակոտով...»
(Այսպէս էր տասս ինձ պատասխանում,
Որ չը խանգարեմ գուլբա գործելուն):
Բայց մեր չար կատուն, մոխրագոյն Շամօն,
Իր պատերազմն էր տաք շարունակում,

Եւ էլ գիշատիչ ելեէջներով,
Զարհուրանք ազդող կրքով փրփռում,
Վախուկ, մանկական սիրոս բըքըրում...

* *

—Տատիկ, վախում եմ ես Քրդի Շանից,
Տես, մօտենում է... ահա իմ կրծքից
Նա կպաւ յանկարծ... բուկս է ձնշում
Եւ քուրսու տակից ինձ ուժով քաշում:
—«Սնև արա, բալաս, դէ, բաւական է,
Սնև, թէ չէ, Շունը կը դայ քեզ տանէ...»
Եւ տատիս ազդից սիրոս բարախում՝
Լեղապատառ է լինում, նըւաղում:
Նայում է տատս—դէմքս է գունատ,
Վճռում է, որ ինձ կպել է նի աթ.
Ու գրկում է ինձ, մերթ խաչակնքում,
Քթի տակ ինչ-որ աղօթք մըմնջում,
Մինչ ես շնչարգել, կծկըւած վախից,
Նորա գրկի մէջ մարում եմ ահից...

Այդ մանուկ, անմեղ ժամանակներից
Փանի տարիներ սահ ել են անցել,
Բայց այն «Քրդի Շան» ձայնը ահուելից
Յիշողութիւնիցս դեռ չէ գնացել,
Եւ մինչ այսօր էլ անունը քրդի
Զեմ կարում յիշել առանց զայրոյթի:

Նոյեմբ. 18. 1894 թ.

Թէքլիս.

ՈՒԽԾ ԲԱՐԵԿԱՄՄՈՒԹԵԱՆ

(ՕՇ. Մ... Ս... Են)

Թող ճակտիցդ մի վարդ պոկեմ—
Սիրոյ համբոյը — յիշատակ,
Թող նորանով ուխտս կնքեմ,
Ուխտս անարատ ու շիտակ:

Նորա չնչով ոգեսորւեմ—
Տոկամ կեանքի պայքարին,
Նորա բոյրով թող տոգորւեմ—
Սիրեմ ցաւը թշւառին:

Թող այդ վարդը կըծքիս ապլէ^է
Եւ անթառամ և անվերջ,

Թող նա հոգի ինձ ներշնչէ
Անվախ կուել կեանքի մէջ...

Թող, թող պոկեմ ես այդ վարդը,
Նորան թաղեմ սրտումս,
Եւ, միշտ նորա բոյրն զգալով,
Ցիշեմ ուխտն ու երդումս:


Հոկտ. 16. 1893 թ.

Թիֆլիս.

Հողը երաշտած իր տապլ մարեց,
«Ուխիսնյ» անելով:

Երգելը միայն մէն-մենտկ մնաց
Հետ իր քնարին,
Նորա նազելին անտարբեր մնաց
Սիրոյ երգերին...

1895 Ռ. Թիֆլս.



Սոխակը ծիւ, ծիւ մղկըտաց, լացեց—
Ու լեզուն բացւեց.
Վարդի կոկոնը քնից սթափւեց—
Ու կուրծքը բացւեց:

Առուն հեալով, հողը շերտելով,
իր ուղին հարթեց
Եւ, ծաղիկներին հեռափից տեսնելով,
Վազեց-համբուրեց:

Իջաւ անձրեը, զովացան ծառեր
Նորա շիթերով.

ՆԱՄՈՒՄ ՈՒ ՊԵՅՐԱԹ

(Նւէր հայ ուրհեստաւոըներին)

Դեռ թոթովախօս մի մանուկ էի
Եւ եօթ տարեկան անդամ չը կայի,
Երբ ինձ աւանդեց հայրս իմ անուս՝
Մի սրբազն խօսք—և դա էր «նամուս»:

Դպրոցի չէմքին դեռ ոտ չը գըսած՝
Դեռ նոր էի զիրք ես ձեռքս առած,
Երբ մօրս համբոյր թթջեց իմ ճակատ
Ու պատիրեց ինձ անել միշտ «դէյրաթ»:

Բայց կարճ մնացի ուսումնարանում,
Աղքատի բախտը դէ՛ ինչ է լինում...

Հօրս պատւէրով սորվեցի արհեստ,
Սիրեցի նորա վաստակը համեստ:

Եւ այն օրից յետ,
Երբ ընկերացայ մուրճ ու սալի հետ—
Քրտինքը դէմքէս ծորում է կաթ-կաթ
Ու ինձ յիշեցնում նամուս ու դէյրաթ
Միշտ նամուս-դէյրաթ:

Հոկտ. 1. 1895 թ.

Թէֆլիս.

ՏԻՐՈՁ ՍԿԻՃԸ

(Լեգենդա)

Ֆըռուդէց

Ասա ինձ, մայրէկ, ճշմարիտ է այն,
Ինչոր պապիկը այսօր ինձ ասաց
Իբր երկնքում սկիհ ահագին
Աստծոյ գահի առաջ կայ դրած,
Եւ ամեն անդամ որեէ հարւած
Երբ մնդ է հասնում անխիղն մարդկանցից,
Այդ սկիհի մէջ արցունք է կաթում
Վշտահար Տիրոջ տիսուր աչքերից.
Իբր, երբ լցուի ոկինն արցունքով,
Այն ժամանակը միայն Մեսիան
Կիջնի երկնքից,
Նա, Որի փառքը որբագործում է
Սղոթքների մէջ,

Նա, Որին այսքան դար սպասում է
Մեր ամրոխը խեղճ,
Նորա յոյսերին չի լինում մի վերջ...
—Այն, զաւակս, ճշմարիտ է այդ —
Մայրիկը տիսուր պատասխան տևեց:
Ու լուեց որդին... Խորհում էր անթարթ...
Բայց չուսով մօրը նորից հարցըեց.
—Ասա, մայրիկ ջան, բայց երբ կը լինի:
Որ այդ սկիհը մինչ բերան լցւի:
Գուցէ նորա մէջ արցունքն է ցամքում
Յաւիսեան, գուցէ... նա յատակ չունի:
Եւ քնքոյց դէմքով ու լի հեղութեամբ
Նա իր աչերը մանկան պարզութեամբ
Իր մօրն ուղղեց,
Մինչ սա զլխակոր և անպատասխան
Մանուկին թողեց,
Եւ միայն լուիկ մի կաթիլ արցունք
Յանկարծ թաց արաւ նորա թերթերունք:

Այդ ջերմ կաթիլը նման գոհարին
Փայլելով դիպաւ մանկան գանգուրին

Ու թաւալւելով հակատին մարեց:
«Օ՛ վշտի Աստւած», մայրը հառաչեց.
«Թող այս արցունքն էլ գլորւի Քո, իսկո՞
Սուրբ սկիհի մէջ»:

Թիֆլս. 1897 Ծ.

ՀԱՅ ԱՂՋԿԱՆ

Սրտիս խորքում մի կոկոն-վարդ
Վաղուց ունիմ խնամած。
Արի՛, պոկիր, սիրուն աղջիկ,
Քեզ համար եմ ես պահած:

Գիտես արդեօք, քանի հողմեր
Անցան նորա վրայով
Եւ վշտերի փոթորիկներ
Սպառնացան սև մահով:

Բայց մանկական իմ խնամքով
Նա սրտիս մէջ ամրացած,

Աչքերիս ցօղ արտասուքով
իր արմատն է ուռճացած:

Դէ, հայ աղջիկ, արի շուտով,
Կոկոն-վարդիս եղիք տէր.
Թող, որ սիրոյդ ճառագայթով
Բացւին նորա ալ-թերթեր:

Թիֆլիս. 1895 թ.

24

ԳԻՒՂԱԿԱՆ ԲԱԼԼԱԳԱՆ

Ոռնում էր Բօղար, ողբում էր Բօղար,
դունչը ցցելով,
Եւ այնքան տխուր, սիրաը քրքըրող
ելեջներով,
Որ տոես՝ ահա ողջ երկրագունդը
միջից կը պայթի,
Կամ նէոը իջած՝ համայն աշխարհը
պիտի խորտակի:

Նւում էր Բօղար, զառամեալ ու խուր,
մղկըտան ձայնով,
Ոռնում սիրտ ձմլող, յուսահատական
ելեջներով.

25

Գերեզմանային սալսուռ էր ազդում
հարևաններին
Գիւղական խաւար, համը գիշերւայ
լոռութեան ժամին:

Եւ Օհան ապին իւր շան ոռնումից
նախապաշտաւած՝
Մահ է գուշակում — մահւան ժանիքներ
մթնի մէջ շարւած:
— Խաթուն, ասում է, այս վատ նշան է,
մօտ եմ օրհասին.
Բօթաբեր ձայնից սիրտս է դողում,
ինդ իմ ամուսին:

— «Երբ շունը ոռնայ»,
Կասէր իմ հէրը,
«Պիտի մահմանայ
Քիւլֆատի տէրը...»

Ոռնում էր Բօղար, նոռում էր Բօղար,
թաւալում անզօր,
Խեղճ Օհան ապին մտատանջւելով
մաշտում օրէց-օր:
Թշւառը ահից ընկառ անկողին,
այն էր որ պառկեց:
Եւ մի քանի օր... ու մի երեկոյ
հոգին աւանդեց:

Լուսացաւ օրը. մի անշուք դագաղ
գիւղից դուրս տարին,
Նատ փորձանք բերեց գիւղացոց համար
զուլում այս տարին...

Օդոստ. 25. 1898 թ.
Թէֆլիս.

ՓՈԹՈՐԿԻՑ ՅԵՏՈՅ

Երբ խորագննին հայեացքս լարած
Նայում եմ մաշւած, գունատ պատկերիդ
Եւ այդ գրաւիչ դէմքիդ գծերում
Տեսնում թագնըւած կիսամար ժըպիտ.

Երբ քո աչերը հեռուն դիտելիս
Մի վերջին ոյժով փայլում են յանկալծ,
Եւ կամ խոնջացած վշտերի բովից
Գաղտնի մրմունջով մարում մելամաղձ.—

Ես միշտ յիշում եմ ալեկոծ ծովը՝
Նոր հանդիսատ առած անզուսալ փոթորկից,

Ես յիշում եմ այն մեղմ ալիքները,
Որոնք ժպտում են աշնան արեգից:

Եւ դուք, սև աչեր, մի՛ օր վառվուն,
Իսկ այժմ տանջւած յուսախար սէրից,
Ինձ յիշեցնում էք ծովը անդորրուն,
Յաղթըւած, զապւած ահեղ փոթորկից...

Հոկտեմբ. 17, 1894 թ.
Թիֆլիս.

Գ Ա. Ռ Ն Ճ Ա. Մ Ի Ն

Եթէ լացը քեզ չէ օպնում,
Արի մօտս, իմ ընկեր,
Փաղաքշելով քեզ իմ երդում
Կը խնամեմ քո վէրքեր:

Եւ կը շոյեմ սիրակարօտ
Քո թախծալի ճակատը...
Անգին ընկեր, արի ինձ մօտ,
Մեզ փրկիչ՝ յոյս-հաւատը...

Մարտի 25. 1895 թ.
Թէֆլես.

ԳԵՂՋՈՒԿԻ ՎԱԽԸ

Բիւր ցաւերիս բերիր նոր ցաւ,
Այ չարագոյժ դռւ սև ագռաւ.
Տաղնապալից նեղ օրերի
Շարքը միթէ դեռ չի անցաւ...

Թէ ծաղի օր, դու մի նոր բօթ
Պիտի գուժես սրտիս ցաւոտ.
Կռաւոցդ մինչ երբ տեի,
Դէն ինչ անեմ, չունիս ամօթ:

Եդ անիծւած, չար լազարդ
Կատարւում է հէնց էլ շատ շուտ.

Մէկ էլ տեսար արտս տարսաւ
Կամ մորեխը, կամ թէ կարկուտ:

Բիւր ցաւերիս բերիր նոր ցաւ,
Այ անամօթ, դու նենդ ագռաւ.
Մտածում եմ... սև օրեղի
Նարքը արդեօք դեռ չի անցաւ...

Յունիսի 18. 1899 թ.

Թիֆլիս.

ԳԱՐՆԱՆ ՄՈՏԻՒՆԵՐ

Նորից բուրեց շունչը գալնան
Եւ յիշեցրեց քաղցր օրեր.
Կաշկանդանքից դաժան ձմրան
Ազատւեցան հոգոյս լարեր:

Սիրուն գարուն, ինչ լաւ հիւր եւ
Իմ ցաւատանջ սրտի համար.
Երկար արդեօք խոստանում եւ
Զիւան ջանիս նոր արև տալ...

Եւ իմ բոյնը այս աշխարհում
Դեռ մնում է աւերւած,
Եւ բիրտ կեանքի ահեղ կռւում
Ես մի հիւլէ հալածւած...

Ասա, ծիծառ, ինչո՞ւ անմեղ
Քո քըքիջով մանկական
Ես տանջւում եմ... կեանքն էլ չքեղ
Թւում է ինձ գերեզման...

Թիֆլէս, 1898 թ.

Ես տանջւում եմ քո քըքիջով,
Ծիծառ անմեղ և սիրուն,
Երբ բնութեան մանուկ շնչով
Աւետում ես մեղ գարուն:

Իբրև ազնիւ, անխոնջ մշակ,
Նորոգում ես քո բունը,
Զագեր խնամում, հանում աշխարհ,
Ու օրհներգում գարունը:

Իւկ ես, նայիր, քանի՛ տարի
Երգ երգեցի անընդհատ,
Ճակատագրիս բողոք արի —
Չը բացւեց ինձ գարուն-վարդ:

ԲԻԷՐՆՍՈՒՆԻՑ

Է

Կանաչ տերեով ծառը ծածկըւեց,
Եւ կոկոններով քնքոյշ հագնըւեց.
Կենսատու ցօղով մարդարտանման
Ուռանում էր նա շնչովը դարնան:
Բայց նորա դալար շիւղերին մօտիկ
Թագնւեց դաժան ծեր-սառնամանիք:
—«Ե՛յ, տներ ինձ, ասաց, մանուկ կոկոններ,
Զես տալ, տնս, զօրով ինքս կը իւրեմ...»
—«Ա՛խ, թողիք հանդիսա իմ բողբոջներին,
Նորա ծաղիկներ գոնէ բացւէին...»
Սառնամանիքին ծառը շնջաց
Եւ ողջ էութեամբ արմատից դողաց:

* *

Է

Եւ ահա կամաց-կամաց բացւեցան
Անուշ բուրմունքով դումաչ կոկոններ
Եւ արեգակից ջերմ փայփայւեցան,
Իսկ թռչունների անհոդ երամներ
Հնչեցին ուրախ, սիրահար երգեր:
Յանկարծ ծառի մօտ թռաւ չար քամին,
—«Ե՛յ, տներ ինձ, ասաց, սիրուն ծաղիկներ,
Կը յափշտակեմ թէ չէ այս ժամին...»
—«Ա՛խ, լնայիք ինձ և մի արգելիր
Իմ ծաղիկներին պտղատու լինել...»
Կատաղի քամուն ծառը շնջաց
Եւ սարսափելով վախից դողբողաց:

* * *

III

Բայց ահա մատաղ պտուղներին խակ
Զերմացրեց սիրով ամրան արեգակ,
Եւ ծառը զուգւեց հասուն մրգերով:
Մօտեցաւ նորան յուշիկ քայլերով,
Հրաշալի կոյսը՝ տապիցը նեղւած.
—Ա՛խ, տուր ինձ, ասաց, անուշիկ մրգեր,
Զօրով չեմ խլիլ երեխայրիքներ...»
—Ա՛ռ քեզ, նազելի, ահա իմ ճղներ
Քեզ են սպասում վաղուց անհամբեր,
Որ գաս հեշտացնես նորանց ծանը բեռ...»
Եւ ծառը սիրով նորան ողջունեց
Ու խոնարհելով ճղները կախեց...

Դեկտ. 4, 1895 թ.

Թիֆլիս.

ԷԼԻ Ն ՈՐԱԿ

Այս, դաւ էիր, որ արմատախիլ
Արիր իմ մատաղ կեանքի ծաղիկը,
Դու էիր, որ քո անմիտ վարմունքով
Երգչիս դարձրիր քո խաղալիկը:

Եւ ուրախ էիր, որ քո դիւթական
Քմահաճութեամբ մի սիրտ մաշեցիր.
Դու յետ չը դարձար նայելու անգամ,
Ո՞րչափ անողորմ ինձ հետ վարւեցիր:

Եւ ոչ ցաւեցիր, որ յամառ կամքով
Քարուքանդ արիր սիրոյս աղբիւրներ,

Ուր ցայտում էին անզուսալ հոսանքով
Ազնիւ ձգտումներ, սուրբ նպատակներ:

Ասա գոնէ այժմ, Երբ պիտի մօտ գաս
Այս կորստաբեր ցաւից փրկելով,
Լուռ տանջւող երգչիս Երբ պիտի յոյս
տաս
Մեր սիրոյ դաշն կրկին կապելու...

Օ՛, այն ժամանակ... եթէ լիմանաս,
Որպէս պիտ' տօնեմ իմ վերածնութիւն,
Որպէս պիտ' գրկեմ սիրովդ ներչնչւած՝
Նոր կեանք խոստացող համայն բնու-
թիւն:

Յունացարէ 15. 1894 Ծ.
Թէֆէլս.

ՀԻԱՍԹԱՓՈՒՄՆ

Խելակորոյս հրապուրւեցայ,
Քեզ կարծելով ազնիւ վարդ.
Ալ-այտելրա, նուրբ, թաւիչեայ
Դուրս վանեցին սրտիս դարդ:

Ես ասացի. ինչ գեղեցիկ
Նա վառւում է հեռուից.
Օ, ինչ թովիչ, չքեղ փնջիկ
Պիտի կազմեմ նորանից:

Եւ շնչառպառ ու սիրատենչ
Ալացայ դէպ' քեզ, կարմիր վարդ...
Բայց շատ ափսոս... տեսայ, ես ինչ...
—Մի խարուսիկ ժանդավարդ:

Մայիսէ 25. 1894 Ծ.
Թէֆէլս.

ՀԱՍԿԱՆՈՒՄ ԵՄ...

Հասկանում եմ, ինչու էիր
ինձ հմայում, կաշկանդում
Եւ աչքերով սիրախօսուն
Սիրտս յուզում, բորբոքում:

Քեզ պէտք էր մի անգուսալ, մատաղ,
Զգացմունքով պատանի,
Որ նորա հետ խաղալիր խաղ,
Դատարկ սրտիդ նիւթ լինի:

Սովոր էիր անփորձ սրտեր
Գերել անյագ գրգիռով

Եւ այրելով, նորան նետել,
Մի ուրիշը փնտռելով:

Օ՛, հասկացայ, ինչու էիր
ինձ հմայում, կաշկանդում
Եւ հեշտասէր վառ աչքերով
Սիրտս յուզում, բորբոքում:

Յունիսի 26. 1894 Եւ.
Թէֆլիս.

Գ Ե Օ Թ Է Ւ Ց


(Բայրօնին)

...Մի լացիր այդպէս սգւորի նման,
Մենք նախանձում ենք փայլուն վիճակիդ:
Կապրէիր դու վեհ, բայց միշտ վշտահար,
Հպարտ երգերով տոգորւած հոգիդ:
Ա՛խ, ծնւած էիր դու բախտի համար,
Իբրև մի զաւակ հին փարթամութեան,
Բայց աւաղ, շատ վաղ հալ ու մաշ եղար
Ծաղիկ հասակում պատանեկութեան:
Քեզ ինչ էր պակաս... հայեացք թափանցիկ,
Սրտի ջերմութիւն, թէ կորովի միտք,
Կնոջ սիրելու ընդունակութիւն,
Խլողախ երգերի ստեղծագործութիւն:
Դու թռչում էիր անարգել թափով,
Հեռաւոր վայրեր ճեղքում-սլանում,

Դու ատում էիր խորին զզւանքով
Տիրող կարգերը իրենց օրէնքով.
Եւ ուժեղ միտքդ բարձր խոհերին,
Անբիծ զգացմանց ապաւինելով,
Դու ձգտում էիր դէպի երկնայինն,
Բայց ի զուր... Կեանքում նրանց չը գտար,
Եւ ով կը գտնի... Տիսուր այս հարցին
Անողոք կեանքը պատասխան չունի...:

Հոկտ. 29. 1897 թ.

Թիֆլիս.



ՍԻՐՈՑ ԿԱՅԾԸԸ

Խաղաղ էի, անյոյզ էի,
Բորբոքեցիր ինձ յանկարծ.
Հանգստանալ հէնց կուզէի,
Դու վառեցիր սիրոյ կայծ:

Օ, թնդ օրհնւի այդ կայծը սուրբ,
Նորան թաղեմ իմ կրծքում
Եւ խնամեմ մըրկածուփ
Սրտիս անմար մորմոտում,

Մինչև կը գաս, Կոյս Վեստալեան,
Հոգոյս տաճար կը մտնես,
Նրա մեհեանում դու յաւիտեան
Սիրոյ խունկը կը ծխես...

Թէֆլես, 1895 թ.

ՆԱԴՍՈՆԻՑ

Ողջ էութեամբ քեզ պատկանել
Ես չեմ կարող, նազելի.
Ինձ յուզում են այլ պատգամներ,
Այլ ցնորքներ ինկելի:

Եւ նոցանից ինձ անջատել,
Օ, չեն կարող քո գգւանք,
Ոչ հրատապ լուս արցունքներ,
Եւ ոչ սիրոյ մի տանջանք:

Սիրելով քեզ, այն էլ դիտեմ,
Որ կեանքը չէ լոկ բերկրանք,

Եւ ես բողոք չարութեան դէմ
Դարձրի ինձ դաւանանք:

Եւ ահա նա ահեղ ձայնով
Մղում է ինձ պատերազմ,
Ես վարում եմ դէպ կեանքի ծով
Իմ մակոյկը ամրակազմ:

Թաղ նա ճեղքէ խօլ ալիքներ
Խաւարի հետ կռւելու,
Անհաւասար այդ կռւի մէջ
Լուսոյ կոթող կանգնելու:

Սեպտեմբ. 1. 1894 թ.
Թէֆլիս.

ԵՍ ԵՐԳԵՑԻ...

Ես երգեցի իմ մատաղ սէր՝
Մանուկ սրտիս սիոփանք,
Չեղաւ մէկը, որ ինձ լսէր
Եւ տար սիրոյս արձադանք:

Ես երգեցի մոռցւած մի երգ,
Նա մըմնջաց շատ սիրուն...
Արձագանքը նորա բեկրեկ
Թռաւ, սլացաւ, շատ հեռուն...

Ա՛խ, այդ ձայնը մոռցւած երգի
Ապրում է միշտ իմ հոգում.
Ել չեմ խփում սիրոյ լարին,—
Հայրենիքն եմ ես ողբում...

Մայիսի 13, 1896 թ.
Թէֆլիս.

ՊԱՏԿԵՐՆԵՐ

։

Դունապահ էր պանդուխտ Կարօն
Աղա-հարուստին,
Յերեկները բակն էր հսկում,
Գիշերը—պառէ զդին,
Եւ մուշտակը գլխին քաշած
Բայց երկնքի տակ,
Սըսըթալով քամուց-ձիւնից,
Պառկած էր մենակ:
Մայթի վրայ փողցին կից
Կարծես քնած էր,
Վայ իր հալին... քունն էլ աչքից
Վաղուց փախած էր:
Եւ այն ժամին, երբ հարուստը
Տաք ննջաբանում

Անուշ նիւհն էր իր վայելում,
Գանձեր երազում,
Խեղճ պանդուխտը ձիւն ու քամու
Տակ էր յօրանջում
Եւ Մարօին իր յիշելով,
Գառն հառաջում:
—«Եարար Աստւած, մրմնջում էր,
Մինչ երբ այսպէս մնամ,
Արդեօք կը գտի մի օր, ես էլ
Իմ վաթան դառնամ»:

Ցունւար 1. 1895 թ.

Թիֆլիս.

* *

¶

Հառաջում էր խեղճ պանդուխտը
Թոքերի խորքից,
Նա դրժել էր իրա ուխտը—
Յետ կանգնել խօսքից:
Նշանածին խոստացել էր
Շուտ վերադառնալ,
Ուսի հողում դեռ յոյս ունէր
Նա հարստանալ:
Ստկայն անցաւ քանի ամառ
Իբրև բեռնակիր,
Նա չը կրցաւ վերադառնալ
Իր սիրած երկիր:
Ու տանջւում էր ցւրւկ-վեշիր,
Վայ տալով օրին,
Մի քիչ փարա գէթ վաստակէր—
Հասցնէր եարին:

Բայց իզուր ջանք... տարիքն անցան
Մէկ-մէկու ետքից,
Թշւառը դեռ չաղատւեցաւ
Համետի տակից:
Եւ մի սկ օր նա լուր առաւ,
Թէ իր Մարօխն
Քրդի բէկը հարեմ տարաւ
Փոխարէն պարտքին:
Ե՛լ չը դիմցաւ խեղճ պանդուխտը
Այս դառն լուրին,
Կախեց կրծքից իր համետը
Զոհւեց գիտ Քուռին:

Ցոնւաը 1. 1895 թ.
Թէֆլեւ.

ԳԱՂԹԱԿԱՆՆԵՐԸ

Երկրից-երկիր թափառելով,
Լեռներ, ձորեր պատառելով,
Հասանք այստեղ, հայ եղբայրներ.
Տւէք մեղի անկին մը չոր
Ցրտից-բուքից պատսպարւել,
Տւէք մեղի հաց մը կտոր
Սովալլուկ մեր ջան պահել:
Կրած տանջանք, բիւր հալածանք,
Կին ու զաւակ թողած բախտին,
Մենք եկել ենք ձեր անունով,
Մենք յոյս կապել ձեր արևին,—
Եղէք գոնէ դնւք միսիթար
Սփոփելու մեր օր վասթար:
Կորչելու է տուն ու վաթան,
Ե՛լ մարդ չի մնաց մեր Հայաստան.

Եկանք պատոմել, որ իմանաք,
Թէ մեր ցաւին չարին դարման...
Դէ, գոնէ դնւք մեզի խղճաք,
Օգնէք, «Երկիր» վերադառնանք....:

ԴԵԿՄ. 15. 1895 թ.

Թիֆլես.

ԱՅՍ ԱՆՄԽԻԹԱՐ ՍԳԻՈՐ ՕՐԵՐԻՆ

Այս անմիտիթար սգւոր օրերին
Դու ինչ երգեցիր, պօէտ, քո ազդին:
Մահից խուսափած անթիւ որբերին,
Որքան գոհեցիր, հարուստ, քո ոսկին:

Այս անմիտիթար, սգւոր օրերին,
Հոգենը հայրեր, ում սփռվեցիք,
Կամ քանի անգամ գաղթականներին
Դուք հաց տւեցիք — պատսալարեցիք:

Գարուններ անցան ու վերադարձան,
Ծիծառը եկաւ նորոգեց իր բոյն,

Բոլոր էակներ մուրագին հասան,
Կեանքի կարօտեց համայն բնութիւն:

Երգիչը միայն կախեց կրծքին քար,
Լուռութեան մատնեց բողոքող քնար.
Հարուստը փակեց սնդուկի բերան,
Որ էլ չը լսէ թշւառի շիւան.
Հոգենը հայրն էլ փակւած խուցի մէջ,
Ապիկար ու ծոյլ նիրհում է անվերջ...

Հոկտեմբ. 20. 1896 թ.
Թէֆլեւ.

Պ Ր Ո Մ Ե Թ Է Ո Ս Ի Ն

(Ֆըուդեց)

Անհուն տանջանքը սեղմած իմ կրծքին՝
Ես գեռ լսում եմ քո հառաչն ու լաց,
Նայում ահոելի այն լերկ քարավին,
Ուր շղթաներով էիր կաշկանդւած:
Օ, Արամազդը անգութ էր, անխիղա,
Անողոք իրա դատաստանի մէջ:
Բայց պահ մի լոիր, ով դու անմեղ զոհ
Վրէժխնդրութեան, ու լոիր և ինձ.
Չեմ յափշտակել ես Աստածանից
Անիրաւաբար սրբազն կրակ.
Նա ինքը տւեց իրա կամքով ինձ,
Որ տանեմ վառեմ ամբոխի ճրագ.
Եւ այդ կրակը առանց տրիտուր
Չէ ինձ չնորհւած վերին պատգամից.

Արիւն արցունքովն իմ աղէկտուր
Լոկ կարողացայ գնել նորանից:
Եւ մինչ այսօր էլ կրակի-գնով
Վճարում եմ տուրքս արիւն-արցունքով.
Եւ ոչ թէ մի անդղ է ինձ գիշատում,
Այլ հարիւր անգղեր, բիւրաւոր օձեր
Իմ որբ, անպաշտպան սիրտս են խայթում
Ու սղատառոտում արիւնոտ վէրքեր:
Օ, քո տառապանքդ կը լինի անհետ,
Թէ համեմատենք իմ կսկիծի հետ:

Յունիսի 17. 1897 թ.

Թէֆէս.

«Զ Ա Ր Դ Տ Ա Ն Ե Մ»

(Մանկական յիշողութեաններից)

Իմ նանը, բալեք, մի շատ լաւ կին էր,
Ժամ ու պատարագ նա շատ կը սիրէր.
Թէ արթնանալուց թէ քուն մտնելուց
Ինձ համար նա միշտ աղօթքներ կ'անէր,
Ինձ էլ աղօթքի իր հետ կը տանէր,
Ու թէ պատահէր՝ հիւանդանայի,
Կամ անակնկալ փորձանքի դայի,
Նա, գորովալից հոգատարութեամբ,
Կրծքին փառելով, միշտ կը հարցնէր.
— «Ասա, բալիկս, ինչդ կը ցաւի,
Ասա, դէ, նանը քո չարըդ տանի»:

Իմ խեղճ նանիկը իր ամբողջ կեանքում
«Չարըս էր տանում», չէի հասկանում.
Ախ, իմ մայրիկը, սիրուն մանուկներ,
Այնքան բարի էր, այնքան անձնւէր,
Որ վերջը, իրաւ, իմ «չարըս տարաւ»,
Սիրած բալիկին որբ, մինակ թողաւ:

Յուլիսի 27. 1899 թ.

Մանդիս.

Տիկին N N-ին

(Exprompto)

Ես չեմ նւիրում քեզ ոսկեզօծած
Թանգաղին դարդեր,
Ոչ էլ թառամող, խնամքով վնջած
Մայիսեան վարդեր.
Չեմ նւիրում քեզ աչքեր գըաւող
Գոհարէ ակներ,
Որոց խափուսիկ ջուհարը շող-շող
Քո կրծքին փայլէր,
Այլ նւիրում եմ անմահ Բաֆֆիի
«Խէնթ-Զալալէդդին»,
Ահա քեզ մի շարք փայլ գոհարների
Վէհ աշխարհ անդին.
Թող նորա լոյսը թափանցի քո կուբծք
Ապրելու յոյսով,

Դու առաջնորդւես նորա աստղերի
Կենսասոռ լոյսով.
Եւ այն աշխարհը, որին կոչում եմ
«Խէնթ-Զալալէդդին»—
Թողնել իրը աւանդ ես ցանկանում եմ
Գալոցդ սելնդին:

Մարտի 29. 1892 թ.

Բագու.

ԳԻՏՈՒԹԻՒՆԸ ԼՐՅԱ Է

Ֆըռուգից

Եօթը տարիս նոր լրացած,
Ասաց մայրս հոգաստար.
«Դէ՛, զաւակս, ժամն է հասած
Դալոց մտնել՝ դիրք կարդալ»:

Նոր-նոր շորեր ինձ հաղցրին՝
Վայել ազիզ օրերի.
Վար ժապետին ինձ հասցրին —
Անունն էր Ռէբ-էլլի *).

*) Բաբեկ Եղիաս

Նստացնելով, ձեռքս տըւին
Այբբենարան, որ կարդամ.
Փայփայելով ինդրում էին,
Որ տառերին անուն տամ:

Ես կարդացի տառերն կարգով,
Եւ չնորքիս փոխարէն՝
Առաստաղից ինչոր հրաշքով
Թափթփուռմ էր քաղցրեղէն:

Մինչ Ռէբ-էլին (լոյսը հոգուն)
Ասում էր ինձ հայրաբար.
— «Հրեշտակներն են այդ ուղարկում,
Որ դու սիրես միշտ կարդալ»:

* * *

Օրեր, տարիք թևին տըւին,
Նկաւ ժամը տիվրութեան.
Իմ անմոռաց վարժապետին
Մահը խից յաւիտեան:

Մահւան վերջին հրաժեշտին
Նա ինձ թողեց այս պատգամ.-
«Ուսի՞ր, որդիս. զիտութիւնն է»
Լոյս, կեանք և ոյժ մշտական»:

Այժմ հէնց որ ես ուզում եմ
Բացել գըքի մի երես,
Քարէ-կարկուտ լոկ տեսնում եմ,
Թափթփում են իմ վըլէս:

Օ՛, ինչ շատ են, իմ Ռէբ-Ելի,
Այդ քարերը ինձ թռչում.
Ո՞վ է ձգում... միթէ էլի
Հրեշտակները...

... Զէ լում
Պառաւ Ելին: Խուլ, անբարբառ
Գերեզմանից ձայն չը կայ...
Եռորջս խաւար... ես ուժասբառ...
Բայց դեռ որքան ճամբայ կայ...:

1895 Ծ. Թիֆլս.

Է Ս Ք Ի Զ Ն Ե Ր

։

Գաղրնան խարուսիկ փայլակի նման
Շատ փայլփլեցեր կեանքիս կամարին,
Բայց վերջը մի չիթ անձրե չը բերեր
Այրւած, տոշորւած սրտիս ցաւելին...

։։

Ա՛խ, այն դու էիր, որ մուայլ ժամին
Երերուն հոգոյս ոյժ ներշնչեցիր.
Դարձար զօրավիդ պօչտի սրտին —
Յուսալ, հաւատալ վառ ապագային
Դու պատւիրեցիր.
Ա՛խ, այն դու էիր, մուսայդ իմ անդին...

։։։

Օ՛, եթէ կարող լինէի, երկինք,
Մի չնչով հոգոյս ամբողջ փոթորիկ
Արտայայտելու,

Եւ կամ մի հուժկու խոր հառաջանքով
Կուրծքս ճնշող սարն վայր գլորելու,
Այնժամ ինձ մահը ծանը չէր թւալ,
Եւ ոչ պժգալի նորա արհաւիրք,
Զգալով հալւած վշտիս սարերը՝
Հանդիստ կ'նետէի ես ինձ մահւան գիրկ:

ԱՅ

Տես, ինչպէս համեստ սահում է լուսին,
Ցրելով յամառ, խաւար ամպերը,
Ինչպէս մտախոհ, հարթելով ուղին,
Առաջ է տանում գոհար ասադերը:

Կ'ուզէի, ընկեր, որ լուսնի նման
Անցնէիր և դու քո փշոտ ուղին.
Թող որքան կուզեն փակեն քո ճամբան,
Դու, միշտ ջատագով գոհար մտքերին,
Վէս իդէալին...:

Մարտի 29. 1896 թ.
Թիֆլիս.

Ո Ո Ւ Բ Է Ն Ի Կ Ի Ս

Անմնդ դու մանուկ, ծաղիկ սիրաբոյր,
Երկնից վնջածիդ տալիս են համբոյր,
Հոտոտում են քեզ ու ասում «Ճանիկ».—
Միթէ դորանով ես դու երջանիկ:

Երբ գրկում եմ քեզ, օրօրում կրծքիս,
Վիշտա է յըրում, հրճում է հոգիս.
Քեզ երգ հիւսելով երգում եմ «նանիկ».—
Միթէ դորանով ես դու երջանիկ:

Ամբողջ գիշերներ քունը վանելով՝
Մայլիկդ է հոկում, կեանքը մաշելով.
Լացիդ, նազանքիդ կ'ասէ նա «Ճանիկ».—
Միթէ դորանով ես դու երջանիկ:

Անցնում են անհոգ քո մանուկ օրեր,
Զեն գործում դեռ քո թաւիշ-թաթիկներ,
Ճակտիդ խաղում է դեռ քնոյ քըսինք.—
Սյդ հանգիստ կեանքո՞յն ես դու երջանիկ:

Զէ, չէ, իմ հոգեակ, այդպէս չի մնալ
Քո մատաղ հասակ անհոգ ու հանգիստ.
Վշտի ու հոգսի կը բացւի օրը,
Մանուկ արևդ չի ժպտալ քեզ միշտ:

Բայց երբ մեծանաս, կեանքի մէջ մտնես,
Ճակատդ մի վեհ գործով պսակես,
Երբ նոր սերընդին իբրև յիշատակ
Անձնազոհութեան դու տաս օրինակ,—
Այն ժամանակը, սիրուն Ռուբէնիկ,
Միայն կանւանեմ ես քեզ երջանիկ:

Մարտի 9. 1898 թ.

Թէֆլիս.

ԴԻՄԱԿՆԵՐ

Եւ էլի նորից տխուր պատկերներ
Շարւում են իմ դէմ, սրտացաւ ընկեր,
Երբ հարցնում ես դու՝ «ինչո՞ւ եմ մռայլ,
Կամ ինչո՞ւ եմ միշտ տխուր, վշտահար»:
Օ, մի՛ հարցնիլ, նորից մի՛ պեղիլ
Իմ հին վէրքերը դառն ու լեղի:
Ունէի և ես քո սրտի նման
Կարեկից ջերմ սիրտ, պարզ ու մանկական,
Եւ ինչ... շահամոլ, եսական մարդիկ
Իրենց օձային նենդամտութեամբ
Սողացին դէպ ինձ շողոքորթութեամբ
Եւ սրտիս խորքում փնտուելով կարիք
Շահադիտական սև միտումներով,
Սիրտս լքցրին կասկածի թոյնով:
Եւ ամեն անդամ իմ մատաղ հոգին
Դառն զայրոյթով սաստիկ է յուզւում,
Երբ ես տեսնում եմ, որ ադամորդին
Ֆր վատ արարքից երբէք չէ զգում...:

* *

Եւ այն ով գիտէր,
Որ օձը ցրտից խնամած, գրկած՝
Մի օր նենգաբար ինձ պիտի խայթէր,
Գիտէի միթէ, որ ձեռք մեկնէի

Եղբօլը ընկած—

Առաջին հարուածն ինձ պիտի ուղղէր
Եւ ամեն անգամ դալոր յոյսերս
Ծաղկաթափ անէր, զգացմունք խէր,
Տիրէր հաւատիս, ծաղրէր ջերմ սէրս,
Հարստահարէր:

**

Զէի իմանում, սիրելի ընկեր,
Որ կարեկցութեան, սիրոյ փոխանակ,
Թունալի մաղձով լկտի պարստաւնք
Իբրև վարձ՝ գաղտուկ զինիս պիտ' ժայթքէր:
Եւ այս ասլիկար դաւաճանութիւն,
Յուղայի համբոյր, խաբեբայութիւն,
Բացագանչում ես, ճշմարիտն Աստւած,
Ո՞ր մեղքիս համար էր ինձ ուղարկւած:

**

Եւ չը հաւատաս,
Անփորձ իմ ընկեր. ես դեռ մարդկանց մէջ

Բարեկամ հոգի չը գտայ անկեղծ.
Այժմ բարեկամ անւան դիմակով
Նոյն բարեկամն է ծածուկ անկիւնից
Յարձակում վրադ սրած գանակով,
Աչքերն արնակում—կատաղած կրքից...
Ես ճանաչեցի նորա պատկերը.
Նա միշտ խօսում էր՝
Յանուն վեհ սիրոյ և ճշմարտութեան.
Բայց միշտ կեղծում էր՝

Իբրև մի հրէշ չողոքորթութեան.
Եւ Ֆէմիդայի երգուում էր անւամբ,
Լոկ խօսքով աշխարհ թնդացնել ջանում,
Միամիտ, մաքուր ամբոխի որդուն
Օրօրում, չոյում չարախնդութեամբ
Եւ ստորագրաց իրա գոյութիւն
Ամօթի ծաղրից նենգաբար ծածկում:
Ես ճանաչեցի նորա սև պատկեր.—
Ճանաչիր և դու, սիրելի ընկեր.
Ու թէ կեանքի մէջ նա քեզ հանդիպի,
Զգւիր ու փախիր այդպիսիներից,
Որպէս ճամբորդը՝ սոսկալի իժից...

Թէֆլիս, 1897 թ.

Յ Ր Ո Ւ Գ Ի Ց

ԱՌԻ, ԻՄ ՍՐՑԻՆ...

ԱՌԻ, իմ սրտին քանի վէրքեր, քանի դաղեր
են դիպած,
Նորանց պահած սրտիս խորքում՝ թաղելու եռ
ստիպվուծ.
Թէ պալարս միանգամից սլատուի յանկարծ
ու պայթի,
ԱՌԻ, իմացէք, որ իմ վէրքեց բիւլ ցաւերի,
Անզուսպ հեղեղ պիտ՝ ժայթքի...:

Յունւարի 10. 1897 թ.

Թէֆլիս.

Թուցրու հոգիս դէպի այն հեռուն,
Ուր վայրն է դալար ընկած անսահման.
Նա մնձ է, որպէս իմ վիշտը եռուն,
Որպէս իմ ցաւը անճար, անգուման:

Կը զարթնեն այնտեղ խաղուած յոյսերս
Եւ հաւատս ջերմ, անուշ յոյզերս,
Մենաւոր վայրում հեղեղի նման
Կը հոսան լոփի ջերմ արցունքներս:

Սրտիս թելերին կը զարնեմ ամուր,
Կը հնչեն երգեր նորա վէրքերից,
Եւ միանգամից խեղճ հոգիս՝ թափուր
Կը լինի ճնշող, մաշող հոգսերից:

Թուցրու հոգիս այն չքնաղ հեռուն,
Ուր վայրն է դալար ընկած անսահման.
Նա մնձ է, որպէս իմ վիշտը եռուն,
Որպէս իմ ցաւը անճար, անգուման:

1896 թ. Թէֆլիս.

ՀՈԳԵՄԱԾ ԹԱԽԻԾ...

Հոգեմաշ թախիծ, սպանիչ մտքեր,
Ե՛լ թողէք հանգիստ զդայուն հոգիս.
Կեանքումս գոնէ մի անդամ երգեր
Ուրախ նւազել յաջողւի երգչիս:

Սիշտ խոր հառաջանք, բողոքող ցաւեր
Մինչ երբ կը ծքիս տակ բոյն դրած մնան.
Թրթրուան սրտիս մղկտան լարեր
Չեր հարւածներին մինչ երբ դիմանան:

Հոգեմաշ թախիծ, սպանիչ վերքեր,
Ե՛լ թողէք հանգիստ զդայուն հոգիս.

Կեանքումս գոնէ մի անդամ երգեր
Ուրախ նւազել յաջողւի երգչիս:

Մի ժամ, մի վայրկեան գէթ համատանամ,
Ընկղմեմ անհուն մոռացութեան մէջ,
Որ յետոյ նորից երգել կարենամ
Ե՛ւ սէրը կեանքի և հաւատն անշէջ:

Պարտի 29, 1898 թ.
Թիֆլիս.

ՄԵՐ ՅԱԻԾ ՄԵԾ Է...

Մեր ցաւը մեծ է, մեր վիշտն անսահման,
Արի բաժանենք իրար հետ, եղբայր.
Ե՛լ բաւ է լացենք վախկոտի նման,
Քանի մեր առաջ կայ այլ ճանապարհ:
Ե՛կ կուրծք-կրծքի տանք, որպէս ժայռերը,
Հեղնենք մեր գլուխն ճայթող շանթերը.
Այսքան ողբալուց մաշւեց մեր հոգին,
Լացն էլ օդուտ չը բերաւ ազդին:
Մեր ցաւը մեծ է, մեր վիշտն անսպառ,
Արի, բաժանենք—որտերս թեթենար:

* *

Երբ մեր ամբոխն էլ մեղ պէս ցաւ ունի,
Ե՛կ նորա ցաւն էլ մեր սրախն առնենք,
Երկուսիս դարդը պէտք է մէկ լինի,
Ե՛կ նորա ցաւն էլ մեր ցաւն խառնենք:

Նորա հոգաերը տանք մեր քնարին,
Քնարը զոի չարըն ու բարին.
Երգերի հրով բովինք, ամբացնենք,
Թշւառի սիրաը, լքեալի հոգին,
Տանջւած ամբոխին վերագարձընենք.
Թող նորա սիրաը նորից ամբանայ,
Գոնէ այդպիսով ցաւին դիմանայ...

* *

Մեր սիրաը լայն է, մեր հոգին տպկուն,
Մի սպունգ ծծան—վշտերով լքուն.
Ե՛կ տոկանք, տանենք ամբոխի ցաւը,
Մինչև կը հասնի աշխարհի լաւը.
Բայց քանի այսօր սրաի յոյզերը
Մեզ զէպի եռուն կեանքն են գոչում,
Քանի կարկիքի ծանը հարցերը
Մեզնից շուտափոյթ լուծում պահանջում,
Ե՛կ, շուտով, եղբայր, առնենք քնարը
Ու մի նոր թափով շարժենք լարերը.
Վառ երգի հրով բովինք, դարբնենք

Թշւառի սիրտը, լքեալի հոգին,
Տանջւած ամբոխին դարձնենք կրկին.—
Թող նորա սիրտը ընդ միշտ ամրանայ,
Գալիք ցաւերին հեղնէ, դիմանայ...:

1899 թ. Թէֆլես.



Յ Ա Զ Կ

	ԵՐԻՆ
1 Առաջաբանի տեղ I	7
2 Ազօնվը II	8
3 Քըդի Շունը	10
4 Ուխտ բարեկամութեան	14
5 * Սոխակը ծիւ ծիւ	16
6 Նամուս ու զէրալժ	18
7 Ֆը ու գից—Տիբոջ սկեհը	20
8 Հայ աղջկան	23
9 Գիւղական բալադա	25
10 Փոթորկից յետոյ	28
11 Դասն Ժամին	30
12 Գեղջուկի վախը	31
13 Գարեան մատիւներ 1	33
14 Ես տանջում եմ II	34
15 Բ' է ի նսօն ից	36
16 Ելի նորան	39
17 Հիանթափոմին	41
18 Հասկանում եմ	42
19 Գեօթ է ից—(Բայրոնին)	44
20 Սիբոյ կայծը	46
21 Նադ սօն ից	47
22 Ես երդեցի	49
23 Պատկերներ, Դանապահ էր I	50
24 Հանաչում էր II	52
25 Գաղթականներ	54
26 Այս անմիթաք սպառը օրերին	56
27 Ֆը ու գից—Պօմեթիսուն	58
28 Շարդ տաներ “	60
29 Տիկին N N-ին	62
30 Ֆը ու գից—Գիտութիւնը լոյս է	64
31 Եսքիզներ I, II, III, IV	67
32 Մուբէնեկիս	69
33 Դիմակներ	71
34 Ալ իւ սրտին	74
35 Ֆը ու գից—Թայրու հոգիս	75
36 Հոգիմաշ թախիձ	76
37 Մեր ցաւը մեծ է	78

ԳԻՆՆ Է ՅՈ ԿՈՊ.

Դիմել՝ Թիֆլիս.—Վենտրօնական գրավաճառ
ռանոց:

Բազու.—Եղբայրք Թառայեանցների
գրավաճառանոց:

Գանձակ.—Վահան Բալիեանցին:

Կամ Հեղինակին՝ Տիֆլիս. Սոլոակի,
Садօսայ № 50ա.

բանագիր
1992

«Ազգային գրադարան



NL0240675

